

ԿՐՈՆԻ ՀԵՏ ՓՈԽՀԱՐԱԲԵՐՈՒԹՅՈՒՆՆԵՐԻ
ԶԵՎԱԿՈՐՈՒՄՆ ՈՒ ՀԱՍՏԱՏՈՒՄՆ ԻՄՐԱՅԵԼԻ
ՊԵՏՈՒԹՅԱՆ ԿԱԶՄԱՎՈՐՄԱՆ ՆԱԽՕՐԵՒՆ

Վարսեր Կարապետյան

ՀՀ փաստաբանների պալատի համբային պաշտպանի
գրասենյակի ղեկավարի տեղակալ,
ԵՊՀ պետության և իրավունքի տեսության
ու պատմության ամբիոնի ասպիրանտ,
Հայդեղբերգի համալսարանի
հրեագիտության ինստիտուտի մագիստրանտ

Ժամանակակից Իսրայելի պետությունում կրոնի հետ փոխհարաբերությունների հիմքը դրվել է դեռևս պետության հիմնադրմանը նախորդած ժամանակահատվածում¹, մասնավորապես Յիշուվի գոյության տարիներին (1918-1948թ.):

Յիշուվը ենթամանդատային Պահեստինի հրեական համայնքն էր, որն *inter alia* ստեղծվել էր՝ ի կատարումն Բալֆուրի հօչակագրի (1917թ.):² Հօչակագրով մասնավորապես առաջ էր քաշվում Պահեստինում հրեական պետություն՝ «ազգային տուն», ստեղծելու գաղափարը՝ միաժամանակ ընդգծելով տեղի ոչ հրեական համայնքի (արաբների՝ Վ.Կ.) քաղաքական ու կրոնական իրավունքները պահպանելու կարևորությունը:³ Բալֆուրի հօչակագրի բովանդակությունը նույնությամբ արտա-

«Հարայել» տերմինը պատմականորեն վերաբերում է նաև Իսրայելի թագավորությանը (մ.թ.ա. 930-720թթ.): Նշված ժամանակահատվածում Միացյալ հրեական թագավորությունը (մ.թ.ա. 1050-930թթ.) բաժնաված էր երկու պետությունների միջև՝ հյուսիսային հսրայելի թագավորությունը, որ կառավարվել է մի քանի ոչ կայուն դիմաստիաների կողմից, և հարավային՝ Հուդայի թագավորությունը, որն իր գոյության ողջ ընթացքում կառավարվել է Հուդայի ցեղից սերող դավիդյան դիմաստիայի կողմից: Որոշ հետազոտողների պնդմամբ, սակայն, պատմական հսրայելում աետության և կրօնի միջև փոխհարաբերությունների արժատները զգվում են մինչև Թորա հրեական աստվածաշունչ: Այսպէս, հնչպես նշված է 1 Սամուել 8-ում, հսրայելի երեցները դիմում են Սամուելին, որ վերջինս իրենց համար թագավոր նշանակի: «...Հինա մեզ համար մի թագավոր նշանակիր, որ դատի մեզ, հնչպես որ ընդունված է մյուս բոլոր ազգերի մոտ:»: Դրան հաջորդում է Աստծո պատասխանը: «Լսիր ժողովրդի ձայնին և արա այն ամենը, որ ասացին քեզ, որովհետև նրանք ոչ թե քեզ են մերժում, այլ ինձ, որ նրանց թագավոր չլինեմ»: (Տե՛ս Ա Թագավորաց 8) (<http://bible.crossnews.am>): «Պետություն-կրոն փոխհարաբերության խնդիրները մանրամասն կարգավորում են ստացել Հրեական թանակա լուսունքում Միջնայում («Սանհեդրին» տրակտաս), ապա նաև Թալմաւում: Այս հարցերին մանրամասն անդրադարձել է միջնադարյան հրեա ականավոր փիլիսոփա Մայմոնիդը (1135 կամ 1138-1204թթ.): Այս մասին տե՛ս՝ օրինակ, The Jewish Political Tradition (Volume 2) / editors: Walzer M., Lorberbaum M., Zohar M. J.; coeditor: Ackerman A. Yale University Press, 2003:

² «Բալֆուրի հրչակագիր» է կոչվում Մեծ Բրիտանիայի արտաքին գործերի նախարար Արթուր Ջեյմս Բալֆուրի 1917 թվականի նոյեմբերի 2-ի նամակը՝ ուղղված բրիտանացի ականակոր սինդիկատ լորդ Ուորշիլին: Ste' u, օրինակ, **Շերենաս Մ.** История государства Израиль: 1896-2005. Герцлия. Исадон, 2005, էջ 60-61:

ցոլվեց նաև Ազգերի լիգայի դաշնագրում, որի նախաբանի համաձայն՝ Պալեստինի նկատմամբ բրիտանական մանդատի նպատակը, *inter alia*, Պարեստինում իրեա ժողովրդի համար ազգային տուն ստեղծելն էր¹:

Յիշուվը, չնայած իր գոյության ընդամենը երեսուն տարիներին, կարևոր դեր խաղաց ապագա հրեական պետության կայացման գործում՝ անհրաժեշտ սոցիալ-քաղաքական ինստիտուտների ձևավորման և կայացման տեսանկյունից: Պատահական չէ, որ այս ժամանակաշրջանի պահեստինյան հրեական համայնքը ընդունված է համարել «պետություն ճանապարհին» կամ «պետություն պետության մեջ»: Այս ժամանակահատվածը, թերևս, առավել վճռորոշ էր պետության և կրոնի միջև փոխհարաբերությունների ձևավորման և հաստատման առումով, ինչն իր արտահայտությունը ստացավ 1947թ. պետության և կրոնի հարցերում ձեռք բերված համաձայնությամբ՝ այսպես կոչված կրոնական ստատուս-քվոյի համաձայնագրով:

Համաձայնագիրը, որ արտացոլում էր հրեական համայնքի տարբեր սոցիալ-քաղաքական և կրոնական ուժերի միջև գոյություն ունեցող իրական հաշվեկշիռը, կարևոր քայլ էր Խրայելի պետության կազմավորման ճանապարհին: Ընդգծելով այս համաձայնագրի կարևոր պատմական նշանակությունը՝ ստորև ամենաընդհանուր գծերով ներկայացնում ենք Խրայելի պետության հիմնադրմանը նախորդած ժամանակահատվածում Յիշուվում տիրող քվազի-քաղաքական իրադրությունը՝ համապատասխան սոցիալ-քաղաքական և կրոնական գաղափարախոսությունների վերլուծության համատեքստում: Այս անդրադարձը կնպաստի ստատուս-քվոյի վերաբերյալ համաձայնագրի էռությունն ու իրական նշանակությունն առավել լիարժեք ընկալելուն:

Այսպես, ինչպես գիտենք, Խրայելի պետության ստեղծումը սերտորեն առնչվում է սիոնիզմի գաղափարախոսության հետ. Խրայելի պետությունը հաճախ ներկայացվում է որպես սիոնիզմի կամ, որ ավելի ճիշտ է, քաղաքական սիոնիզմի² ծրագիր: Ծնունդ տալով ժամանակակից հրեական պետությանը՝ քաղաքական սիոնիզմն ավելի ուշ պետք է հռչակվեր որպես այդ պետության պաշտոնական գաղափարախոսություն³, որն իր ազդեցությունը պետք է ունենար պետական շինա-

¹ «Նկատի ունենալով, որ հիմնական դաշնակից ուժերը համաձայնել են, որ Մանդատային երկիրը պատասխանատվություն է կրում՝ Պալեստինի տարածքում հրեա ժողովրդի համար ազգային տուն ստեղծելու վերաբերյալ բրիտանական կառավարության կողմից դեռևս 1917թ. նոյեմբերի 2-ին ընդունած և նշված ուժերի կողմից հաստատված հռչակագիրը գործողության մեջ դնելու հարցում...», - ասված է դաշնագրի նախաբանում (տե՛ս http://avalon.law.yale.edu/20th_century/palmande.asp):

² Սիոնիզմի մասին խոսելիս անհրաժեշտ է նկատի ունենալ, որ այն ներառում է տարբեր ուղղություններ և գաղափարախոսություններ: Սույնում ուսումնասիրության առարկան առավելապես քաղաքական սիոնիզմն է, քանի որ այն սերտորեն առնչվում է մեր կողմից արծարձվող հարցերին: Սիոնիզմի լայն տարածում գտած ուղղություններից է նաև մշակութային սիոնիզմը՝ քաղաքական սիոնիզմի հակագաղափարախոսությունը, որի հիմնադրույթը ներկայացված են մշակութային սիոնիզմի առաջամարտիկ Ահար Հա-ամի (Աշեր Գինգերգ) աշխատություններում: Մասնավորապես, իր «Ստրկություն ազատության մեջ» աշխատությունը հեղինակը փորձում է ցույց տալ, թե քաղաքական սիոնիզմի ջատագովները, հատկապես՝ Թեոդոր Հերցլը ու Մարտին Նորդաուն, ինչքան են հեռացել հրեական ազգային մշակությից (տե՛ս Walzer M. և Մյուսներ, նշված աշխատությունը, էջ 51-58):

³ Նոյն գաղափարախոսությունը միջազգային առյանների կողմից հռչակվել է նաև ռասիստական: Այսպես, ԱԱԿ-ի գլխավոր ասամարթեայի «Ուսասական խորականության բոլոր ձևերի մասին» թիվ 3379 բանաձևով՝ ընդունված 10.11.1975թ. ասամբլեայի 30-րդ համագումարում, Խրայելը, ի թիվս մի քանի այլ պետությունների, ճանաչվեց որպես ապարեյդի քաղաքականություն վարող պետություն: Նոյն բանաձևով սիոնիզմը ճանաչվեց ռասիզմի և ռասայական խորականության ձև: Նշվածը որոշ չափով արտահայտում է սիոնիստական գաղափարախոսության և հետևարք նաև Խրայելի պետության նկատմամբ արկա խիստ տարակարծությունները՝ քացարձակ համակրանքից մինչև քացարձակ ատելություն:

րարության տարբեր բնագավառների վրա՝ մեծապես պայմանավորելով նաև հսկայելի պետության իրավական համակարգի բնույթը։ Բացի այդ, հենց սիոնիստների և ուլտրաուղղափառների՝ երկու հակամարտ ուժերի քաղաքական երկխոսության արդյունքում էր, որ ծնվեց ստատուս-քվոյի վերաբերյալ նշված համաձայնագիրը, որը պետության կազմավորումից հետո պետք է դառնար պետության հետագա սոցիալ-քաղաքական գարգացումների ուղենիշ։

Ընդունված է համարել, որ սիոնիզմը սկիզբ է առել 19-րդ դարի վերջերին։ զուտ խորհրդանշական կերպով նշում է Թեոդոր Հերցելի՝ «Հրեական պետություն», ավելի ճիշտ՝ «Հրեաների պետություն»¹ աշխատության լուսընծայումը Բագելում (Շվեյցարիա) 1896թ.։ Նշվածը, թերևս, խստ պայմանական բնույթ է կրում, քանի որ սիոնիզմի, այսինքն՝ Սիոնին վերադարձնալու գաղափարը, գուցե ոչ այնքան հստակ ծևակերպված, այնուամենայնիվ, արտահայտվել է շատ ավելի վաղ ժամանակներից սկսած։ Այս առումով հետաքրքրական է հատկապես պրոֆ. Նոյբերգերի տեսակետը, որը սիոնիզմի սկզբնավորումը վերագրում է հրեաների քարելունյան գերեվարության ժամանակաշրջանին՝ մ.թ.ա. 6-րդ դար²։ Այդուհանդերձ, ընդունված է համարել, որ Հերցելն առաջինն էր, ով այս գաղափարին տվեց մշակված քաղաքական ծրագրի տեսք³։

Սիոնիզմը նպատակ ուներ հրեա ժողովրդի համար, այսպես ասած, «նորմալ լուրջան» հասնել, ասել է թե՝ հրեաները «սովորական» ազգ են և նյուև ազգերի նման հրենց պետությունը կամ «ազգային տունն» ունենալու իրավունք ունեն։ Դա, ըստ սիոնիզմի, հրեական հարցին վերջնական լուծում տալու միջոց էր⁴։ Քաղաքական սիոնիզմի առաջ քաշած այս գաղափարը՝ որպես վերջինիս կենտրոնական հայեցակարգ, ինչպես կտեսնենք ստորև, ակնհայտորեն հակասում էր հուդայականության՝ որպես կրոնի, գաղափարափիլիստիկայական և արժեքաբանական համակարգի հիմնադրույթներին, ինչն էլ լուրջ հակասությունների ու հակադրությունների տեղիք պիտի տար ժամանակակից հրեական պետության ստեղծման նախաշեմին։

Իսկ ահա զուտ գործնական իրագործման տեսակետից քաղաքական սիոնիզմը Պաղեստինի տարածքում հրեական պետության ստեղծումը տեսնում էր Ավետ-

¹ Աշխատության անվանումը հիմնականում սխալ է թարգմանվում: “Der Judenstaat” գերմաներեն բառացի նշանակում է «Հրեաների պետություն», այսինքն՝ պետություն միայն հրեաների համար, ինչը և Հերցելն իրականում նկատի է ունեցել։

² Տե՛ս Հոյները Յ. Կո տակօս սիոնիզմ? Մ.: Издание Дипломатической академии МИД РФ, 1995 (<http://hedir.open.ac.il/kurs/politika1/zionut.html>):

³ Ընդունված է Թեոդոր Հերցելին համարել սիոնիզմի նախահայր՝ իր գաղափարախոսական ծրագրի և սիոնիստական շարժումը կազմակերպելու անմկուն պայքարի շնորհիկ։ Առաջ նսեմացնելու վերջինիս դերը՝ մի շարք մասնագետներ, սակայն, նշում են, որ նա առաջինը չէր, ով փորձեց համակարգել սիոնիստական գաղափարախոսության մտավոր և ֆիզիկական ներուժը։ Այսպես, Ս.Ն. Ուիլիզը Լեբմանն իր «Նախասիոնիզմը և դրա նախա-Հերցելը. Ռաբբի Ցվի Հրոշ Քալիշերի փիլիսոփայությունը և զանքերը» հոդվածում փորձում է հիմնավորել, որ այս «քարոզ կոչմանն» արժակի են մի շարք անհատներ և, մասնավորապես, Ռաբբի Ցվի Հրոշ Քալիշերը (Lebman Wilzig S. N. Proto-Zionism and its Proto-Herzl: The Philosophy and Efforts of Rabbi Zvi Hirsch Kalisher // Tradition: A Journal of Orthodox Thought, 16, 1976):

⁴ Սասանգիտական գրականության մեջ լայնորեն ընդունված է, որ սիոնիզմը, մեծ հաշվով, նաև Եվրոպայում հրեաների ազատագործական (Էմանուիլացիայի) և միաձուլման (ասիմիլացիայի) ձախողման արդյունք էր. 20-րդ դարակարգին Եվրոպայում տիրող հրողությունը դրդեց հրեական համայնքի առաջնորդներին, որոնցից շատերը ասիմիլացված հրեաներ էին, միևնույն տեսմեն էրեց-հրայելում ազգային տուն ստեղծելու մեջ (տե՛ս Elazar J. D., Aviad J. Religion and politics in Israel: The interplay of Judaism and Zionism / edited by Curtis M. Colorado, Westview Press, Boulder, 1981, էջ 5-7):

յաց Երկիր հրեաների գանգվածային ներգաղթի շնորհիվ, որ պիտի իրազորձվեր իրենց իսկ կողմից առաջ քաշված «մարդ-տարածք-փող» շղթայի շնորհիվ¹: Հրեաների ներգաղթի համար², ինչպես արդեն նշվել է Վերևում, առկա էր անհրաժեշտ միջազգային-քաղաքական միջավայր:

Հերցելն անձամբ՝ որպես քաղաքական սիոնիզմի հիմնադիր և Խորայելի պետության նախահայր, նեշել է. «Այն (հրեական հարցը՝ Վ.Կ.) վաղուց արդեն կրոնական խնդիր չէ: Այն որևէ կապ չունի կրոնի և խնդիրնետ... Ավելին՝ բոլորը դա գիտեն: Հրեական հարցը ո՛չ կրոնական է և ո՛չ էլ ազգային, այն զուտ սոցիալական խնդիր է»³: Նշվածը հստակորեն արտահայտում է Հերցելի վերաբերմունքը հրեական կրոնի և ստեղծվելիք հրեական պետության մեջ դրա ունեցած տեղի ու դերի նկատմամբ:

Այսպես, Հերցելը նախատեսում էր գուտ աշխարհիկ պետության ստեղծում՝ արիստորոկատական կառավարման ռեժիմով, որտեղ կրոնը որևէ դեռ չէր ունենա պետական կառավարման գործերում, իսկ ռաբբիները «փակված կլինեին» իրենց տաճարներում: «Արյո՞ք մենք կավարտենք կրոնապետություն հիմնելով: Ո՛չ, անկասկած: Հավատքը միավորում է մեզ, գիտելիքը՝ մեզ ազատություն տալիս: Հետևաբար, մենք պետք է խափանենք մեր հոգևորականության կողմից դրսւորվող ցանկացած կրոնական գեղում: Մենք պետք է «փակենք» մեր ռաբբիներին իրենց տաճարներում այնպես, ինչպես մեր արհեստավարժ բանակը՝ գորանոցներում: Թե՛ բանակը և թե՛ հոգևորականությունն արժանվույն կվորխատուցվեն իրենց կարևորագույն առաքելության համար, բայց դրանք չպետք է միջամտեն պետության կառավարման գործերին... այլապես դժվարություններ կատեղծեն թե՛ ներսում և թե՛ դրսում»⁴, - նշում է Հերցելը⁵:

Թեև ապագա հրեական պետության Հերցելի տեսլականը խիստ աշխարհիկ էր, սակայն, ինչպես ցույց տվեցին հետագա զարգացումները, այն անհնար էր կյանքի

¹ Այս մասին ավելի մանրամասն տե՛ս **Շտերենակս M.**, նշվ. աշխ., էջ 28-56:

² Հրեաների գանգվածային ներգաղթը Պաղեստին շարունակվեց մինչև 1939թ., երբ արաբական երկրների և Պաղեստինի արար ազգարնակչության ճնշումների ներքո Պաղեստինի մանդատային իշխանությունները սստիպված եղան սահմանափակել դեպի Պաղեստին հրեաների մուտքը՝ նախատեսելով, որ հրեաների ներգաղթը Պաղեստին կշարունակվի ևս 5 տարի՝ տարեկան 10.000 մարդ: Նախատեսվում էր նաև, որ հնարավորության դեպքում այդ թիվը կարող էր ավելացվել ևս 25.000-ով, առավելագույնը՝ Պաղեստինի տարածք թույլատրելով ևս 75.000 հրեայի: Նշված փաստաթուղթը հայտնի է «Սպիտակ թուղթ» անվանմամբ: Սպիտակ թղթով, որպես ներգաղթայիների թվի սահմանափակման հիմնավորում, նշվում էր, որ Պաղեստինում հրեաների համար արդեն իսկ ստեղծված է «ազգային տունը», այսպիսով կատարված համարելով բրիտանական իշխանությունների՝ հրեական համայնքներին տրված խոստումը: (Տե՛ս **Շտերենակս M.** նշված աշխատությունը, էջ 80-83): Սակայն, կարծ ժամանակ անց Երկրորդ համաշխարհային պատերազմի ընթացքում Եվրոպայում հրեաների գանգվածային ոչնչացումները պետք է նոր հնարավորություն ստեղծեին հրեաների՝ Պաղեստինի տարածքում ազգային պետություն ունենալու ձանապարհին: Հատկանշական է, որ «Սպիտակ թուղթն» առաջին փաստաթուղթն էր, որ վերացվեց Խորայելի պետության ժամանակավոր իշխանությունների կողմից:

³ Տե՛ս **Lipsky L., Bein A. Theodor Herzl**: The Jewish State. New York, Dover Publications Inc., 2008, էջ 14:

⁴ Տե՛ս **Lipsky L., Bein A.**, նշված աշխատությունը, էջ 79:

⁵ Սիոնիզմը նապատակ ուներ ստեղծելու նոր հրեական հասարակություն և կերտել նոր «Երայեցի» մարդուն՝ հիմնված արևմտյան արժեքների և մարդասիրական (հումանիստական) գաղափարների վրա՝ գերծ ուղղափառ հրեական կենսապերապից: Այդուհանդերձ, սիոնիզմը ամբողջությամբ չէր բացառում կապը հուդայականության հետ:

Կոչել: «Հուդայականությունն, իր բոլոր տարօնկալումներով հանդերձ, շարունակում էր մնալ այն իրական ուժը, որն ի գորու էր համախմբել հրեա ժողովրդին և երաշխավորել վերջինիս «հավաքական» Վերադարձն Ավետյաց Երկիր¹: Այդ իսկ պատճառով քաղաքական սիոնիզմը՝ չնայած իր գուտ աշխարհիկ բնույթին, ստիպված էր հայացքը դարձնել դեպի կրոնը՝ փորձելով փոխգիտումների ճանապարհով անհրաժեշտ նախադրյալներ ստեղծել ազգային պետականության վերականգնման համար:

Այժմ անդրադարնալով ավանդական հուդայականությանը՝ պետք նշել, որ վերջինիս դիրքերից Ավետյաց Երկրում հրեական պետականության վերականգնումն ուներ բացառապես կրոնական խորհուրդ. այն հնարավոր էր միայն «կրոնական փրկության» ճանապարհով՝ Սեսիայի գալստով և Սուրբ հողում նրա թագավորության հաստատմանը: Գաղափարական այս անդրունք, որ առկա էր այս Երկու գաղափարախոսությունների միջև, անհրաժեշտորեն պետք է հաղթահարվեր ժամանակակից հրեական պետության ստեղծման ճանապարհին²:

Այսպես, 20-րդ դարի սկզբներին քաղաքական նոր հրողությամբ թելադրված հուդայականությունն իր հերթին կանգնած էր լուրջ խնդրի առջև. անհրաժեշտ էր հաշվեկշել հրեա ժողովրդի ազգային ճգոտումները մի կողմից և սեփական կրոնական ուսմունքները մյուս կողմից: Հուդայականության առջև ծառացած այս խնդրը կարելի է ձևակերպել հետևյալ մեկ նախադասությամբ. աշխարհիկ՝ ոչ կրոնական հրեական պետությունը գոյության իրավունք ունի³, թե՝ ոչ: Այս հարցը հուդայականության մեջ գրեթե միաժամանակ ծնունդ տվեց Երկու տարբեր քաղաքական-գաղափարախոսական ուղղությունների, որոնցից յուրաքանչյուրն իր կարևոր մասնակցությունը պետք է ունենար ապագա հրեական պետության կազմավորման գործում³:

Առաջինը կրոնական սիոնիստական ուղղությունն էր՝ Միզրախի անվանմամբ

¹Հատկանշական է, որ 1800-ական թվականների սկզբներին «օսմանական» Պաղեստինում հրեա բնակչության թիվն ընդամենը 24.000 էր, որոնցից տարբեր գնահատումներով 5.000-7.000-ը՝ Երուսաղեմում: Պետության ստեղծման նախաշեմին Պաղեստինի հրեա բնակչության թիվն արդեն դարձավ 554.000 (<http://www.jewishvirtuallibrary.org/jsource/History/demographics.html>): Հրեաների վերադարձն Ավետյաց Երկիր ապահովելու համար սիոնիզմը հուդայականության, ավելի կոնկրետ՝ դրա որոշ հայեցակարգային դրույթների «կարիքն ուներ». անհրաժեշտ էր Պաղեստինում «ազգային տուն ունենալու» սիոնիստների բաղձանքը կապել «Խոստացված Երկիր» Վերադարնալու հայեցակարգի հետ՝ դրա կրոնական ընկալմամբ: Թեև, հետաքրքրական է, որ սիոնիստ դեկավարների կողմից սկզբնական շրջանում Ավետյաց Երկիր հետ հրեա ժողովրդի կրոնական կապն էր նույնիսկ անտեսվում. քննարկվում էր այլ տարածքներում Ուզանդա, Սիրիա, Արաբական և այլն, «ազգային տուն» ստեղծելու հնարավորությունը: Անձամբ Հերցելը հակված էր հատկապես Արգենտինայի տարբերակին, սակայն հաշվի առնելով հրեա ժողովրդի պատճական կապը Պաղեստինի տարածքի հետ, նրա ընտրությունը կանգ առավ Պաղեստինի վրա:

²Պատկերն ամբողջական դարձնելու համար անհրաժեշտ է հիշատակել հրեական կրոնի մեջ գոյություն ունեցող, այսպես կոչված, դրական պատվիրանն առ այն, որով հրեաների զանգվածային ներգաղթն Ավետյաց Երկիր թույատրվում էր միայն Սեսիայի գալուստի հետ միաժամանակ: Այս պատվիրանը ևս մեկ խչընդոտ էր պետության կարուցման համար Հերցելի կողմից առաջ քաշված մարդ-տարածք-փող շղթայի հաջող իրազրծման ճանապարհին, ինչն ստիպեց կրոնական սիոնիզմի ժամանակի խոշորագույն մտածողներին այդ արգելքը հաղթահարելու կամ այն շրջանցելու ճանապարհներ փնտրել:

³Պետության հիմնադրմանը նախորդած ժամանակահատվածում տարբեր քվազի-քաղաքական ուժերի միջև փոխազդեցության, մասնավորապես՝ ազգայինի և կրոնական փոխարթերության հետ կապված ավելի մանրամասն տե՛ս, օրինակ, Elazar J. D., Aviad J., նշված աշխատությունը:

(Եբրայերեն՝ 'ՊՐԴՊՈ')՝ Մերկազ Ռուհանի հապավումից, որ Եբրայերենից թարգմանաբար նշանակում է կրոնական կենտրոն¹: Կրոնական սիոնիզմի մեջ կենտրոնական էր այն ուսմունքը, որ սիոնիզմը (քաղաքական սիոնիզմը) ունի կրոնական արժեք, և, որ ավելին է, այն անհրաժեշտ է հրեա ժողովրդի կրոնական փրկության համար: Այդ իսկ պատճառով իրենք իրենց հերթին պարտավոր են իրենցից կախված ամեն ինչ անել այս նպատակի արդյունավետ իրագործման նպատակով²: Մասնավորապես, ըստ այս ուղղության հետևորդների՝ աշխարհիկ սիոնիզմը անհրաժեշտ քայլ էր հրեա ժողովրդի հոգևոր և ազգային վերածննդի համար՝ դեպի մեսիանիկ ժամանակներ տանող ձանապարհին³:

Այժմ անդրադառնալով կրոնական սիոնիզմի հետապնդած առավել գործնական նպատակներին՝ դրանք կարելի է ծևակերպել հետևյալ կերպ: Նախ, այն նպատակ ուներ ազդելու քաղաքական սիոնիզմի վրա՝ այն ուղղորդելով իր կողմից նախանշված՝ առավել կրոնական հունով: Մյուս կողմից, կրոնական սիոնիզմը նպատակ ուներ ազդելու ուղղափառ հրեաների վրա՝ քաղաքական սիոնիզմի համար ապահովելով վերջիններիս օժանդակությունը⁴:

Հուրայականության շրջանակներում ծևավորված գաղափարական երկրորդ ուղղությունը «Ագուդաթ Իսրայելն» էր (Եբրայերեն՝ 'Արա՛՛ ՊՏՈՒ), որ բառացի նշանակում է «Իսրայելի համայնք»⁵: Վերջինիս հենքի վրա հետագայում կազմավորեց համանուն քաղաքական կուսակցությունը, որն առանցքային էր այտու է խաղար Իսրայելի պետության հետագա քաղաքական կյանքում⁶: Ագուդաթ Իսրայելն սկզբնապես ժխտում էր քաղաքական սիոնիզմի և ընդհանրապես սիոնիզմի՝ որևէ կրոնական նշանակություն ունենալու հանգամանքը. այն հականարտ, կրոնական ոչ սիոնիստական շարժում էր և հանդես էր գալիս որպես քաղաքական սիոնիզմի գաղափարական հակաթեզիս: Իր գաղափարախոսությանը հավատարիմ՝ Ագուդաթ Իսրայելն սկզբում թեև կատաղորեն դիմադրում էր աշխարհիկ հրեական պետություն ստեղծելու «նախսաձեռնությանը», սակայն հետագայում ընկրկեց. մեծա-

¹ Հետաքրքրական է, որ կրոնական-սիոնիստական գաղափարախոսության սաղմերը կարելի է գտնել ավելի վաղ ռաբբի Ցվի Հիրշ Բալիշերի և այլոց աշխատություններում: Ավելի մանրամասն տե՛ս Lebman Wilzig S. N., նշված աշխատությունը:

² Կրոնական սիոնիզմի նախահայրերը փորձում էին տալ Սիոն վերադառնալու գաղափարական հիմնավորումը, օրինակ՝ Բալիշերն իր ամենախոշոր աշխատություններից մեկի նախաբանում՝ «Ուշոն Լե-Յիոն»՝ (թարգմանաբար՝ «Արածինը դեպի Սիոն», իրատարակված՝ 1864թ.) արծարծում է այն հարցը, թե արյոցը անհատին թույլատրվում է նախքան մեսիանիկ ազատագրումը վերադառնալ Երեց-Իսրայել՝ փորձելով հիմնավորել սիոնիստական նկրտումները: Ավելի մանրամասն տե՛ս Lebman Wilzig S. N., նշված աշխատությունը:

³ Կրոնական սիոնիզմի ականավոր գործիներից է համարվում Աբրահամ Խասհակ Կուլը (1865-1935), որը, Արաջին համաշխարհային պատերազմի ավարտից հետո վերադառնալով Իսրայել, նշանակեց որպես Երուսաղեմի գլխավոր ռաբբի և Պալեստինի ողջ տարածքում փաստացի դեկապարում էր հրեական կրոնական կյանքը: Լինելով քալմուդիստ՝ Կուլը, ի տարբերություն մյուս հոգևոր հայրերի, գտնում էր, որ սիոնիզմն ու հուրայականությունն իրար չեն հակասում, և որ հրեաները պետք է զգտեն տեղափոխվել Երեց-Իսրայել և այնտեղ հրեական պետություն հիմնադրեն: Պալեստինյան հրեական հանայնքի կյանքում ռաբբի Կուլի ունեցած կարևոր դերակատարության մասին տե՛ս, օրինակ, Շերեհաս M. նշված աշխատությունը, էջ 43:

⁴ Դրան հնարավոր էր հասնել միայն ուղղափառ հրեա հանրության, որ այդ ժամանակ դեռևս համաշխարհային հրեականության մեծամասնությունն էր, աչքերում շարժումն «օրինականացնելու» ձանապարհով: Ավելի մանրամասն տե՛ս Elazar J. D., Aviad J., նշված աշխատությունը, էջ 7:

⁵ «Ագուդաթ Իսրայելը» որպես «համաշխարհային» կազմակերպություն ստեղծվել է 1912թ.-Կատովիչյանը (Լեհաստան):

⁶ Ագուդաթ Իսրայելին հարողները կոչվում են խարեդիներ (Եբրայերեն՝ 'ԴՇՈ'):

պես երկրորդ աշխարհամարտի տարիներին Եվրոպայում տիրող իրադրությունից դրդված՝ այն որոշակի փոխգիջումների գնաց քաղաքական սիոնիզմի հետ¹, այսպիսով «կանաչ լուս» վառելով Խրայելի պետության հիմնադրման ձանապարհին²: Այսպիսին էր հրեական Յիշուվի քվազի-քաղաքական իրադրությունն իր հիմնական ուրվագծերով՝ նախքան Խրայելի պետության կազմավորումը: Այս ժամանակաշրջանի ամփոփ նկարագիրն անհրաժեշտ էր պետության և կրոնի միջև փոխհարաբերությունների հետագա զարգացումների, մասնավորապես՝ կրոնի հարցերում հաստատված ստատուս-քվոյի դերի ու նշանակության ամբողջական ընկալման համար:

Այսպես, կրոնական ստատուս-քվոն, ընդհանրապես, և Խրայելի պետության դեպքում, մասնավորապես, արտացոլում են պետության՝ կրոնի հետ ունեցած հարաբերություններում հաստատված հաշվեկշիռը: Խրայելի պետության դեպքում թերևս հետաքրքրական է այն, որ տվյալ դեպքում այն նախորդեց պետության ստեղծմանը՝ կարևոր նախադրյալ հանդիսանալով այդ գործընթացում:

Խրայելի պետության անկախության հռչակումից դեռևս մեկ տարի առաջ՝ 1947թ. ամռանը, արդեն իսկ հիմնական գծերով հստակեցված էր կրոնի, ավելի ճիշտ՝ հրեական կրոնի (հուդայականության)³ հետ հարաբերություններում ապագա հրեական պետության քաղաքականությունը: Այն ամրագրվեց նույն թվականի հունիսի 19-ին «Հրեական գործակալություն» սիոնիստական կազմակերպության անունից Դավիդ թեն Գուրիհոն՝ Ազուրաթ Խրայելին հասցեագրած նամակում⁴: Նամակում, ընդգծելով ապագա հրեական պետության աշխարհիկ բնույթը՝ գերծ կրոնական հարկադրանքից ու խորականությունից, միաժամանակ երաշխավորվում էր հրեական կրոնականության պահանջմունքների բավարարումը հետևյալ հիմնական հարցերում:

- Շաբաթը պետք է լիներ հանգստի օր, իսկ պետության ոչ հրեա ազգաբնակչությանը հնարավորություն կընձեռվեր ընտրելու հանգստի իրենց օրը.
- Քաշրութը՝ սննդակարգային նորմերը, պետք է պահպանվեր հանրային բոլոր այն հաստատություններում, որոնցից օգտվում էին հրեաները.
- անձնական կարգավիճակի վերաբերյալ այդ ժամանակ գործող իրավունքը պետք է շարունակեր իր գործողությունը՝ հրեա հասարակության աշխարհիկ և կրոնական հատվածների միջև անջրպետ չանցկացնելու նկատառմանը.
- կրոնական դպրոցների առանձնացված համակարգ պետք է ստեղծվեր:

¹ Փոխգիջումների արդյունքում, օրինակ, Սոխնուտի՝ Հրեական գործակալության հետ կնքված համաձայնագրի հիման վրա, Ազուրաթ Խրայելն ստացավ Ենթամանդատային Պատեստինի տարածք մուտք գործելու հավաստագրելի ընդհանուր թվի 6.5%-ը:

² Ուլտրաուղղափառ հուդայականության՝ սիոնիզմի հետ փոխգիջումների գնալու մասին խոսելիս պետք է որոշակի «զգուշավորություն» ցուցաբերել. մինչ օրս Խրայելում կան համայնքներ, որոնք ապրում են առանձին թաղանամասերում: Ժխտելով Խրայելի պետությունը՝ վերջիններս կազմում են «պետություն պետության մեջ» հավատալով, որ իսկական հրեական պետությունը կարող է վերականգնվել նիսայն Մեսիայի գալուստով: <Ետևաքար, եթե խոտամ ենք ուլտրաուղղափառ հուդայականության մասին, առավելապես նկատի ունենք դրա քաղաքական էսթաբիշմենթը:

³ Այլ կրոնների դեպքում պահպանվեց Օսմանյան կայսրության ժամանակաշրջանում արդեն իսկ գոյություն ունեցող ստատուսքվոն, ըստ որի՝ ձանաչում ստացած կրոնական համայնքները հատկապես անձնական կարգավիճակի հարցերում օժտված էին լայն ինքնավարությամբ:

⁴ Նամակն անվանապես ուղղված էր ռաբբի Ի.Ս. Լկինին: Նշված երկու հակամարտ ուժերի միջև, որպես կապող օղակ, հանդես էր գալիս, կրոնական սիոնիզմի քաղաքական դեկապ-արությունը՝ ի դեմս Ռաբբի Յ.Լ. Ֆիշմանի, ինչպես նաև Ռաբբի Յ. Գրինբորինի:

Ահա այսպիսինն էր քաղաքական-սիոնիստական կազմակերպության կողմից կրոնական հակասիոնիստական կազմակերպությանը հասցեգրված նամակի հիմնական բովանդակությունը, որը նաև ազգային համաձայնագիր» անվանմամբ: Հարկ է նշել, որ Ագուդաթ Իսրայելն իր հերթին ևս գնաց որոշակի գիշումների: Մասնավորապես հրաժարվեց ապագա հրեական պետության ողջ տարածքում Հայախան՝ հրեական կրոնական իրավունքը, անհապաղ և ողջ ծավալով գործադրելու գաղափարից, համաձայնեց շաբաթ և տոն օրերին պետական ռադիոյի հեռարձակմանը և այլն: Այս փոխարձ գիշումները որոշ առումով թելարված էին այն հանգամանքի հատակ գիտակցմամբ, որ ՄԱԿ-ը որևէ դեպքում հավանություն չէր տա ապագա հրեական պետության մեջ կրոնապետության ծննդին¹: Բացի դրանից, ծեռք բերվածն ըստ էության արտացոլում էր հրեական համայնքի աշխարհիկ և կրոնական ուժերի միջև առկա իրական հաշվեկշիռը:

Մեր գնահատմամբ, ծեռք բերված ստատուսքովն աշխարհիկի և կրոնականի պայքարում այն նվազագույն շեմն էր, որն անհրաժեշտորեն պետք է հաղթահարվեր պետության ստեղծման նախաշեմին²: Զեակերպվելով դեռևս մինչայն տական շրջանում՝ ստատուսքովի վերաբերյալ այս համաձայնագիրը հսկայական նշանակություն պետք է ունենար Իսրայելի պետության հետագա տարիներին՝ մեծապես պայմանավորելով դրա գարզացման ուղին:

Իհարկե, տարբեր ժամանակներում տարբեր սոցիալ-քաղաքական ուժերի կողմից փորձեր են արվել և դեռ կարվեն փոխելու պետության և կրոնի միջև հաստատված այս հաշվեկշիռը՝ հօգուտ մեկ կամ մյուս կողմի³, սակայն պետք է փաստել, որ, որոշ շենումներով հանդերձ, այն էականորեն փոփոխել չի հաջողվել մինչ օրս: Ավելին, Իսրայելի պետության բոլոր կողմանից կառավարությունները բոլոր ժամանակներում կողմանից հուշագրերում առանձին կետով իրենց հավատար-

¹ Նոյն պնդումը հավասարապես ճիշտ է նաև արաբական պետության վերաբերյալ. ՄԱԿ-ն ի սկզբանե նախատեսում էր նախկին Պաղեստինի տարածքում երկու աշխարհիկ պետությունների ծնունդ՝ կառավարման ժողովրդավարական ռեժիմով, ինչը հստակորեն արտացոլված էր ՄԱԿ-ի համապատասխան բանաձևում:

² Այս հարցի վերաբերյալ առկա են նաև այլ տեսակետներ. մասնավորապես, Դանեիլ Զ. Էլազարն ու Զանեթ Ավիադն իրենց «Կրոնը և քաղաքականությունն Իսրայելում. հուլյայականության և սիոնիզմի փոխազդեցությունը» ծերանրկում հարցադրում են անում, թե: «Ինչո՞ւ սիոնիստական շարժումը, ապա նաև պետությունը, որի բնակչության մեծամասնությունը հավատացյալ չէր ուղղափառ լինելու հմաստով, Իսրայելում «օրինականացրին» և «հիմնադրեցին» կրոնական հնստիտուտները՝ Իսրայելի հասարակության մեջ տեղ տալով կրոնականության գոյությանն ու ազդեցությանը: Այլ կերպ ասած հաջո՛ ոչ «հավատացյալ» հանրությունը ընկրկեց կրոնականության առջև: Ինչո՞ւ Իսրայելում կրոնի և պետության միջև պայքար՝ Կոլտուրկամֆ, տեղի չունեցավ:»: Փորձելով պատասխանել իրենց իսկ կողմից առաջադրված հարցին հեղինակները դա պայմանավորում են հուլյայականության հետ հրեա ժողովրդի ունեցած ոչ միանշանակ կապով. «Բնակչության լայն զանգվածները դրականորեն են տրամադրված հրեական ավանդույթին և առանձին տարբերին, որոնց նրանք հետևում են իրենց ընտանիքներում: Այսինքն՝ հուլյայականությունը կամ դրա աշխարհայացքային հանակարգն ամբողջությամբ չընդունելով հանդերձ հրեաները ցանկանում են կապ պահել հրեական ավանդույթի հետ, որն իր հիմքում նույնականացվում է հրեական ազգային կրոնական մշակույթի հետ: Նրանք այդ ավանդույթի որոշ տարբեր կամ դրա որոշ ասպեկտները ցանկանում են պահպանել՝ որպես իսրայելյան մշակույթի մաս և Իսրայելի հասարակության արժեքներ»: (տե՛ս Elazar J. D., Aviad J., նշված աշխատությունը, էջ 23-30):

³ Ստատուսքովն փոփոխելու փորձերի մասին խոսելիս հատկանշական են հատկապես 1967թ. Վեցօրյա պատերազմից հետո, և 1988թ. Կնեսետի ընտրությունները, երբ առաջին անգամ ոչ սիոնիստական ուլտրաուղղափառ կուսակցությունը առավելություն ունեցավ կրոնական-սիոնիստական կուսակցության՝ Մաֆդալի համեմատությամբ:

մությունն են հայտնել և հայտնում հաստատված ստատուսքվոն պահպանելու կապակցությամբ¹: Այսիսի երևոյթը, որ, անշուշտ, պայմանավորված է երկրի հասարակական-քաղաքական կյանքում կրոնական ուժերի ունեցած դեռևս զգալի դերակատարությամբ, մեր գնահատմամբ, ունի մեկ այլ՝ առավել կարևոր բացատրություն, այն է՝ կրոնը՝ որպես ժամանակակից հսրայելի պետությունում հրեականության դրսորում, դարձել է հսրայելը որպես հրեական պետություն պահպանելու կենսական և անհրաժեշտ գործոն: Հրեական պետություն ասելով՝ նկատի ունենք պետություն՝ հրեական մշակույթով, հրեական արժեհամակարգով և, որ առավել կարևոր է, հրեա բնակչության մեծամասնությամբ²:

ФОРМИРОВАНИЕ И УТВЕРЖДЕНИЕ ВЗАИМООТНОШЕНИЙ С РЕЛИГИЕЙ НАКАНУНЕ ОБРАЗОВАНИЯ ГОСУДАРСТВА ИЗРАИЛЬ

Варсер Карапетян

Заместитель руководителя канцелярии общественного

защитника Палаты адвокатов Республики Армения,

Аспирант кафедры теории и истории государства и права,

Магистр института иудаики Гайдельбергского университета

Статья рассматривает процесс формирования и становления взаимоотношений с религией в будущем еврейском государстве в контексте анализирования социально-политических и религиозных сил и их идеологий, преобладающих в еврейской общине (Йишуви) Палестины. Это важно для наиболее полного понимания сути и реального значения так называемого соглашения о религиозном статусе-кво.

В статье, в частности, указывается, как две противоборствующие силы – политический сионизм и ультра-православный иудаизм, путем компромисса, пришли к согласию о месте и роли иудаизма (еврейская религия) в будущем еврейском государстве, утверждая, так называемое, соглашение о религиозном статусе-кво 1947 года.

Соглашение, подчеркивая светский характер будущего еврейского государства-свободный от религиозного принуждения, одновременно гарантировало удовлетворение религиозных нужд еврейства в ряде вопросов, таких как, например, сохранение шабада и религиозных браков и разводов и т.д.

Сформулированное еще в догосударственный период, соглашение о

¹ Սահմանադաշտական գրականության մեջ ընդունված տեսակետի համաձայն՝ քաղաքական կուսակցությունների դերն ու ազդեցությունն հսրայելում ավելի մեծ են, քան որևէ այլ երկուում: Դրա հնարավոր պատճառներից նշվում է ի սկզբանե անկախ՝ կամավորական հիմունքներով գործող փոխիստական գործակալությունների գործունեությունը, որոնց դերն անզնահատելի է հսրայելի պետության կազմավորման և կայացման հարցում (տե՛ս Edelman M. The Changing Role of the Israeli Supreme Court // Comparative Judicial Systems: Challenging Frontiers in Conceptual and Empirical Analysis / Editor Schmidhauser J. R. Butterworths, 1987, էջ 93-111)

² Այս մասին տե՛ս, օրինակ, **Александрова С.А.** Религия и демократия в Израиле // Ближний Восток и современность, сборник статей, выпуск пятый, Москва, 2003, էջ 122-136:

религиозном статусе-кво должно было иметь огромную важность в течение последующих лет существования государства Израиль, в большинстве обуславливая путь его развития и, что наиболее важно, суть и содержание правовой системы.

FORMATION AND ESTABLISHMENT OF RELATIONSHIPS WITH RELIGION ON THE EVE OF CREATION OF THE STATE OF ISRAEL

Varser Karapetyan

*Deputy Head at the Public Defender Office of the
Chamber of Advocates of the RA,
PhD Student at the YSU Chair of Theory and History of State and Law,
MA, University of Heidelberg, Hochschule for Jewish Studies*

The article examines the process of formation and establishment of interrelations with the religion in the Jewish state to be created in the context of analysis of dominating socio-political and religious forces and their ideologies in the Jewish community of Palestine (Yishuv). This reference is important for the fuller understanding of the essence and real meaning of, so called, Status-Quo agreement.

It is particularly demonstrated in the article how two antagonistic forces - Political Zionism and Ultra-Orthodox Judaism through the way of compromises agreed upon the place and role of Judaism (Jewish Religion) in the future Jewish State, thus establishing, so called, Religious Status-Quo Agreement of 1947.

Underlying the secular character of the Jewish state to be created, free from religious coercion, the agreement, at the same time, guaranteed meeting the religious demands of the Judaism in a series of issues, such as maintaining of the Sabbath, religious marriages and divorces etc.

Being yet formed in the pre-state period, this agreement on the Status-Quo was to have a tremendous role in the following years of the existence of the State of Israel, defining its way of development and, what is more important, character and content of the legal system.

Բանակի բառեր- հսկայելի պետություն, կրոնական սուսառուսքվո, սիոնիզմ, հուդայականություն, հրեական համայնք, շարք, քաղություն, կրոնական դպրոց

Ключевые слова: государство Израиль, религиозный статус-кво, сионизм, иудейство, еврейская община, шабад, кашрут, религиозная школа

Key words: *The state of Israel, religious status-quo, Zionism, Judaism, Jewish community, Sabbath, Kashrut, religious school*